

„ARUBAANSE COURANT“
diariamente cu excepccion di
diadomingo.
subscription f. 3.25 pa luna.
edicion los 20 ct.

edita pa:
N.V. Arubaanse Drukkerij en
Uitgeverij en Publiciteits M.B.
Nassaustraat 85 O'Stad Aruba N.A.

imprimi na:
N.V. Drukkerij „De Stad“
Theaterstraat 11, Willemstad Curacao

Telefoon 1116 Directiva y redaccion.
2116 Anuncio y subscripcion.
Directeur hoofdredacteur: D. Wolff.

ARUBAANSE COURANT



Diario pa



Aruba



optica moderna



SPRITZER + FUHRMANN

Anja 24

DIABIERNE 24 DI APRIL 1963

No. 4622

ENTRECAMBIO DI PRESONAN CUBANO Y MERICANO

NEW YORK, 24 april. — Un Cubano cu nan a condena na Merca pa un pena di prison di 20 anja te cadeno perpetua, pasombra door di un bringamentu na anja 1960 den un restaurant New Yorkino el a mata un mucha muhe di nuebe anja, a keda den libertad y nan a mandele Cuba.

Gobernador Rockefeller dje estado New York a participa cu e gobierno federal a seurele cu e liberacion di Francisco Molina del Rio di 31 anja lo contribui pa liberacion di 21 Mericano presu, cu lo a llega Merca alera.

Molina a mata e mucha hoben du-

rante un pelea entre partidario y adversario di prome ministro Castro di Cuba. Si e mester regresa Merca algun dia, ta spera cu ginda un cadeno perpetua. En relacion cu e mesun asunto aki e huez federal na New York, a kibra rila peticion di gobierno federal e persecucion di dos Cubano y un Mericano desendiente di Cuba, cu ta acusa di ta sinja con trama un conspiracion pa obtene dantonan militar y pa usa explosivo contra insalacionan militar.

Di fuente di gobierno nan a tende, cu tambe tres otro persona, entre otro un atache cerca mision Cubano na Nacionnan Uni, Santiesteban Casanova, Antonio Suciro y Garleia Orellana — a contribui ne liberacion dje 21 Mericano presu na Cuba. Segun minister di justicia Robert Kennedy, Casanova y Sueiro lo mester sali for di Merca mas pronto posibel.



PARKER LAKE TA BAI
BUFFALO PA Y'S
MEN'S CLUB

SAN NICOLAS. — Awor a worde decidi definitivamente cu senor Parker Lake, lo bai representa su club, Y's Men's Club na San Nicolas, durante e conferencia internacional di Y's Men's Clubs cual lo worde teni di dia 4 te dia 8 di agosto di e anja aki na Buffalo, New York.

Senor Lake ta un ingeniero electrotecnico, cu a nace na Sint Maarten y cu a hanja su promer eursion na Lago Vocational School y cu a gradua na Howard University na Estados Unidos na anja 1961. Na e momentu senor Lake ta traha den e Technical Department na Lago. E ta vice-president di Y's Men's Club, cu a worde funda na anja 1958 na Aruba.

FATUM — Tel.: 1845
pa tur bo asegurado

MAART 1963 MENOS PASAHERO NA AEROPUERTO

ORANJESTAD, 23 april. — E luna di maart 1963 den promer instancia ta parse desfavorable compara cu luna di Maart 1962, segun e satisfickion di aeropuerto Prinses Beatrix. E total di e pasaheronan cu a worde agendi e anja aki ta 8.066, anja pasa 8.250. Como cu akinan ta trata unicamente di menos pasahero di transito y cu e pasaheronan cu a baha na Aruba pa no bai mes ora, a subi, esaki ta nifica cu e turismo ta avanzando ainda.

Pasahero 1962	Pasahero 1963
A drenta	3.180
Transito	1.581
A sali	3.489

Total 8.250 8.066

A baha na aeropuerto:
1962 — 288 aeroplano pasahero
1963 — 257 aeroplano pasahero

BAILE DI ORANJE CERCA MARINIERS

ORANJESTAD, 24 april. — Diasabra awor lo tin un Oranjebal na Marinierskazerne na Savaneta na ocasion di e aniversario di La Reina. E fiesta ta cuminsa nuebe or y interesadonan, cu kier asisti, por hanja karchi na e departamento O.S.O. na kazerne. E musica lo ta a cargo di Hiek's Combo y e banda di Mariniers.

Influencia comunista den hemisferio occidental ta aumenta

WASHINGTON, 23 april. — E menguacion comunista den hemisferio occidental a aumenta y ta causa un gobiernonan relaciona dificultad asina ta para den un rapport di un comision special di ocho pais dje organizacion di estadonan Mericano. Principalmente e ultimo shete anjanan aki e menguacion di China y Rusia via Cuba a aumenta. E Rusnan a fortifica nan forza militar na Cuba. Nan ta usa e isla aki como un base pa actividadnan secreto den otro paisnan. Pese, segun e rapport, e paisnan dje hemisferio occidental mester tin mas vigilancia.

E comision a recomenda entre otro pa fortifica e servicion secreto dje paisnan aki y haci intercambio di dantonan tocante actividad di partidarioman comunista di prome minister Fidel Castro. E rapport lo worde pone ne consejo di Estadonan Mericano.

SOEUR JUDITH WINKLAAR A HACI PROFESION Y PROMESANAN ETERNO

SAN NICOLAS, 24 april. — Diahuebs anochi 6'or, a tuma lugar den iglesia Santa Theresita na San Nicolas un ceremonia solem, durante di cual senorita Frida Winklaar den mundo, a haci su profesion y promesanan eterno di soeur. Durante e ceremonia aki cu a worde acompaña cu canto di e soeurman di Te Aworo y Imeldahof e promer parokiana di San Nicolas a keda instala como soeur dje ordo di Dominicanessen di Bethania. E misa a worde dirigi pa pastoor B. Baars di San Nicolas, kende cu palabranan emocionante a conmemora con un dia grandi esaki tabata, no unicamente na Soeur Judith Winklaar y su familiarian pero pa heeler e parokia di San Nicolas. Y cu esaki tabata un echo nos por mira door di e cientos di amigonan, conocianan y parokianonan en general cu a asisti na e misa, aki pa presenciar e solemidadnan di e profesion y promesanan eterno di soeur Judith.

Recepcion

Mas o menos 7'or y mei un recepcion a tuma lugar na Te Aworo caminda soeur Judith ta klettera. Entre e hopi familiarian, amigonan y conocianan cu a bin felicita soeur Judith, y su familia tabatin tambe e pastorian y frerenan di diferente parokia. Durante e recepcion cu ta-

bata anima pa e tononan di disconan clasico y popular un hendi a worde bebi na honor di e gran echo aki, cu

ta e promer parokiana di San Nicolas cu a haci su profesion y promesanan eterno.



Ariba e portret nos ta mira ora cu soeur Judith ta saliendo for di misa tras di e mucha muhernan chiquito cu boketnan di flor, mientras e soeurman a traha dos rij door di cual e ta pasando pa bai na e recepcion na Te Aworo.



Aki nos ta mira soeur Judith Winklaar, na e momento culminante di e seremonia cu a tuma lugar den iglesia Santa Theresita, na San Nicolas Diahuebs anochi, ora cu e ta entregando su mes completamente na Dios.

Comision deportivo Figaroa - Elhage a hanja dos siman dilacion

ORANJESTAD, 24 april. — E comision consistiendo di Sr. Frans D. Figaroa di Aruba, e deputado Richard Elhage di Corsow y Drs. R. A. Romer, cu ta funcionan como secretario, cual a hanja encargo dia 21 di maart u.p. di minister E.O. Petrona na trata di hanja un solucion pa e controversia cual desde hopi tempu eata ta existi entre Aruba y Corsow rila terreno deportivo, y cual e.o. a conduci pa e conocido resolusion di ASU, a ser desepi pa e minister pa duna relato denter di trinta dia di su investigacionnan.

Como e diputado Elhage a sali di repente pa exterior, e actividadnan di e comision a ser retrasa di repente. E minister a duna awor dos siman di dilacion.

AREA 8 SPRING CONVENTION DI A.S.T.A. NA ARUBA

ORANJESTAD, 24 april. — Dia Domingo anochi a llega Aruba senor Bernhard Kirkegaard, vice-president di e distrito „midwest“ di American Society of Travel Agents (ASTA), cu lo funciona como president di „Area 8 Spring Convention“ di ASTA, cual lo tuma lugar di 20 pa 23 di mei a.v. den Aruba Caribbean Hotel Casino. Segun Sr. Kirkegaard ta snera e convencion lo atrae mas o menos 130 participante pa Aruba. E convencion aki ta mas grandi cu e convencionnan tradicional di ASTA na Aruba ya caba tabatin dos bina prome con-

venccionnan di e organizacion Mericano aki di agentenan viajero, esta na mei 1960 ora cu e distrito di New York a tene su convencion aki y na mei 1961, ora cu e distrito Ontario y Quebec a haci mesos. Sr. Kirkegaard a expresa su deseanan na Aruba en relacion cu e programa cu a worde ser traha pa e oficina di convencion na Aruba, di cual Sr. Michael Kuiperi ta president, en cooperacion cu Aruba Caribbean Hotel Casino y e oficina di Turismo aki.

„SUSANA Y JOSE“ DEN SCHOUWBURG DIA 27

ORANJESTAD, 24 april. — Diasabra awor lo actua den schouwburg na Oranjestad e pareha di baile „Susana y Jose“. E pareha aki cu ya a biaha mitar di mundo, for di Alaska te na Argentina, di Finlandia te Congo y di Indonesia via Malakka te Hawaii, otro bez lo sorprende Aruba cu un programa di baile y canto flamenco. E gira aki di Susana y Jose a cuminsa na luna di Januari na New York, y ta bai awor door di e territorio di Caribe, via Bermuda, Jamaica y Anillas. Acompañadonan di e pareha famoso aki ta Armin Jansen na piano, e cantante flamenco Naranjito de Triana y e guitarrista flamenco, Pedro de Sevilla. Nan ta balla segun nan mes sistema. E actuacion aki ta worde presenta door di Arubaanse Kunstkring.

HUEZ NO POR A TRATA E CASO

ORANJESTAD, 24 april. — Diahierna mainta huez a declara su mes sin autorizacion pa huzga den e caso di protesta cu e Curadato C.B.S.

cu ta biba na Aruba a haci contra di un sentencia cu el hanja dia 18 di agosto unja pasa na Corsow. Pa motibu di joyriding el a hanja e tempo ey curer siman di prison y kitemento pa dos anja di su rijbewijs. Contra di e sentencia aki el a protesta cerca Corte di Husticia na Aruba. Desanman preme e officier di husticia a declara di no tin e autoridad pa trata e asunto aki, pa motibu cu e protesta tin di worde trata na Corsow pa e Corte di Husticia, ayunan. Huez tabata di mes un opinion cu e officier y a declara cu e protesta lo tin di bai Corsow.

IRREGULARIDAD NA PERNAMBUCO

RIO DE JANEIRO, 24 april. — Ta reina atrobe inquietud entre e poblacion agraria dje estado Pernambuco, centro dje asociacion di campesinonan dje delegado pro-Castro, Francisco Juliao, dos mil campesino arma cu spada y carabina di johti a organiza un optocht di hombre den terriorio di Catende, cu ta keda pa campesinonan na Pernambuco e simbolo dje campesinonan feudal cu ta posee partinan grandi di terra den noordoost di Brazil. E campesinonan aki cu tin terranan grandi a niza di eheenta rila nan trahadonan e leyman social, cu ta valido na todo nan den ciudad, ta trata akinan di salario minimo y pago di un hora extra di salario. E marcha dje obrehonan di Catende no tin ningun caracter subversivo. E organadonan a declara cu e movimientu aki no tin ningun caracter politico y cu e ta los dje revolucion castrista. Nan a bisa di ta exige solamente e derechonan di constitucion federal ta garantiza nan.

PROGRAMA PA ANJA DI LA REINA 1963

ORANJESTAD, 24 april. — Awor e programa di Oranje Vereniging Aruba pa e dia di Anja di La Reina proximo a worde anuncia:

Esaki ta cuminsa Diasabra awor.

DIASABRA 27 APRIL

7'or p.m. E di 23 Olimpiada di Lago Sport Park.

9'or 30 p.m. Oranjebal den Restaurant Trocadero, organisa pa Algemeen Nederlands Verbond di Aruba

DIANARS 30 APRIL

6'or a.m. Batimento di klok di tur iglesia y Willem III

6'or 15 a.m. Tocamento di himnonan di Hulanda na e carillon di iglesia Protestant.

7'or 45 a.m. Aubade di e muchanan di San Nicolas ariba e schoolplein di St. Filomena College.

8'or 45 a.m. Aubade di muchanan di school di Oranjestad na e plein banda di Trocadero.

9'or 15 a.m. Careda di bicicleta over di un trajecto di 45 km., saliendo for di banda di planta di ijs ariba e tereno di haaf na Oranjestad.

9'or 15 a.m. Corremento na pia for di Basi Ruti pa Oranjestad, un trajecto di 8 km.

9'or 30 a.m. Parada militar y desfile na Oranjestad dilanti di Trocadero pasando door di e cajanen di O'Stad.

10'or 15 a.m. Cuminsamento di pustamento di botonan di bela sigi pa landamento.

4'or p.m. Mars di padyindernan den Oranjestad.

5'or p.m. Den number di e pueblo presidente di Staten senor Osbaldo Croes lo duna su felicitaconnan na Gobernador mr. N. Debot den Centro Cultural na Oranjestad.

8'or p.m. Fuego artificial tras di oficina di D.O.W. na Oranjestad.

DIADOMINGO 5 MEI

8'or 30 a.m. Servicio di gradicimento den iglesia San Francisco na Oranjestad.

Despues di e Misa aki ta sigi un Te Deum.

9'or a.m. Servicio di gradicimento den iglesia Protestant na Oranjestad.

En conecion cu dia di anja di La Reina Aruba Voetbal Bond, Amateur Baseball Bond Aruba, Arubaanse Softball Bond y Aruba Boxing Association, toernooinan lo worde organisa pa copa Juliana. Dia 30 di April y promer di Mei lo tin wega pa muchanan na majoria di e schoolnan.

Dia 30 henter dia lo tin weganen na Paradera, organisa door di Oranje Comité Paradera. Gobernador Debot lo bin Aruba solamente un rato pa asisti na e felicitaconnan cu e lo hanja den Centro Cultural.

E dia ey e ta worde spera un 10 pa cinco atardi na Aruba y 6'or lo e bula atrobe pa Corsow. Den e directiva di Oranje Vereniging na e momento tin puestu: presidente dr. J.R. Arenis, vice presidente B. Croes, secretario Jos van der Schot, tesoroer C.M. Bastiaansen, sport acuatico havenmeester J. Berkhout, aubade y weganen na school frere Anselmus, fuego artificial Marco Henriquez, dornamento John Merryweather y Emilio F. Kock, sport Roy van Putten, padyinder J.M. Arenis, y tambe senor Bibiano Lopez y kapitein di Mariniers L. van Klinken.

MERICANONAN POR SALI DI CUBA

NEW YORK, 24 april. — E abogado Mericano, James Donovan, cu actualmente ta na Havana a participa cu majan e lo regresa Miami cu hini Mericano cu actualmente ta deteni na Havana. Donovan a declara cu gobiernu Cubano a bise cu e hontbernan lo sali liber. No ta mester di paga nada extra pa nan ni na placa ni na provision di remedio. Algun di e Mericanonan cu lo hanja nan libertad majan tabatin tres anja den prisonnan Cubano. Gobiernu Cubano ta revisando e casonan di presunan politico, asina el a bisa. E hontber Mericano di carga „Survivor“, cu a yega Havana awe cu mercancia, lo regresa Merca cu mas o menos mil Cubano.



Entrante Dialuna venidero lo actua den e show di 10'or den Klompn Klub, e cantante Americano Bob Carroll. Bob a hanja popularidad e.o. door di su actuacionnan den e peliculan „Pajama Game“ y „Silk Stocking“. Su promer stapnan den show business tabata como cantante den e orkestanan di Charly Barret y Jimmy Dorsey.

Attencion...digno Pueblo Arubano

Directiva di Union Nacional Arubano (U. N. A.) tin e gran honor di invita tur su miembronan, sympatizadornan y Pueblo di Aruba en general, pa asisti na su siguiente reunion di campanja pa eleccion di Eilandsraad, awe Diarazon dia 24 di April pa 8'or di anochi, ariba e tereno pabao di AURORA BAR - Santa Cruz - Directiva di Partido U. N. A. ta suplica encarecidamente tur cu tin nan mes medio di transportacion pa yuda transporta mas tanto hende posibel pa e reunion aki di UNION NACIONAL ARUBA, den e orgulloso pueblo di Santa Cruz.

SITUACION NA LAOS

PUERTO PERLA, 24 april. — Comandante di forzonan di guerra Mericano den territorio di Pacifico, almirante Felt, a sali ahera nochi inspecciona di Hawaii pa Bangkok. Nan ta tene e bishita inespera di e misionero na coneccion cu e situacion tenso na Laos.

Averel Hartmann, e segundo ministro di asuntunan exterior, a llega Paris awe mañan caminda e lo delibera cu e gobierno Frances tocante e situacion na Laos, asina nan a par-

BAPOR GRIEGO TA DEN PELIGER

NEW YORK, 24 april. — Guardia costa Mericano a pki ahera nochi 26 tripulacion die bapor Griego di motor di mas di dos mil tonelada "Hellas Smith". Guarda costa a sali pa yuda nan desmes di un SOS di e bapor Griego cu tabata na punto di hundí. E bapor Griego tabata na altura di Cabo Race na New Foundland.

BRASIL TA PERDE PROME PARTIDO DI SU GIRA NA EUROPA

LISABON, 24 april. — E onsegu nacional di Brasil a cuminsa su gira door di Europa cu un derrota. Na Lissabon e equipo Brasileno a perde awe cu score 1-0. E gol a worde anota den di dos mitar. Tabata un anotacion sublime di e alero derecho directamente for di un corner. E bala a pasa e portero y e cu e den net. E cu ningun pelotero a mishi e bala.

SITUACION NA GUYANA INGLES

GEORGETOWN, 24 april. — Un delegacion di Trades Union Council, a sali ahera nochi for e deliberacion cu prome minister di Guyana Ingles Dr. Cheddi Jagan.

Entre otro polis arma tabata invasió hecbonan di sabotaje caminda nan a haci dos intento pa saca un trefa for riel. Kibramento di comunicacion telefonica y sendemento di 7 acre di un cañaveral den candela.

Cumpleanjos

Awe ta recorda cu 16 anja pasa a uni nan mes cu enlace matrimonial e distinguida pareha José Anselmo Figaró y Simona Figaró. Nan ta recibi hopi felicitaciones di nan ceha yunan di nan tata, mama, rumanan, sobrinanan, cuñanan e ñanan y amiguan, y especialmente di famia Figaró, Tromp, Kelly, Semeleer y Ruiz.

YABI

pa bo exito

Avisa den ARUBAANSE COURANT y compara e resultado!

PANAMA STORE

ta ofrece UN CANTIDAD DI ARTICULOS DI PLASTIC NA MITAR PRIJS! tajo plat, kochil, beker, baki pa cucha y tajo, y hopi otro articulo pa uso di cas.

Ora nos ta papia di SERVICIO, nos ta meen tambe SERVICIO! (Pa cualquier reparacion di bo radio, tape recorder etc. rapido, eficiente y economico, acudi na Casa Electronica (Banda di Vianen) - Tel. 3371.

ONCHAS' Flowershop TEL. 1500 George Madurostr. - skina Byronstr. Pa flor pa tur ocasion, drecia na bo smuak. Tambe muta di cas, cimia etc.

MODELONAN favorito...

na prijsnan fabulosos!! den tur tamanjo, color, estilo y pa tur ocasion.



LA LINDA

AWOR BO POR CUMPRAREFRIGERADORA MARCA "HOTPOINT" di corriente



Awor cu wiel, hopi capacidad, gasta menos corriente y ta fria mucho mihor! GRAN FACILIDAD DI PAGO ARUBA TRADING CO.

PHOTO EL GLOBO

(affiliated with Aruba Trading Company)

WILL BE CLOSED for Annual INVENTORY

in San Nicolas on Wedn. Apr. 24 and Thursday Apr. 25 in Oranjestad Friday April 26 and Saturday April 27

ALGEMEEN NEDERLANDS VERBOND

ta ofrece cu cooperacion di ORANJE VERENIGING ARUBA na tur su miembronan y tambe na e personanan cu a worde introduci pa e miembronan

BAILE DI ANJA LA REINA

riba diasabra 27 di apr. p.v. na Trocadero, pa 9.30 p.m.

ENTRADA: Caballero miembro f. 2,- Dama-miembro " 1,- Caballero no-miembro " 3,- Dama no-miembro " 1,50

Orkesta: THE CARIBBEAN AMBASSADORS

Vestuario: — Bachi cu dashi. TROCADERO LO TA SERA PA PUBLICO E ANOCHI EY.

LANSAMIENTU DI RAKET MERICANO - ITALIANO

WALLOPS, VIRGINIA, 24 april. — Cientificonan Mericano-Italiano, a lanza e prome raket di proyecto San Marco, e programa comun di viahe den espacio entre Italia y Merca. E raket "Shot Put", di cinco ton, a llega te na un altura di 425 kilometer y a haci un vuelo di 14 minut. E raket a eci na un distancia di un mil kilometer mas aleu den Atlantico.

Segun cientificonan e raket tabata pa midi tension di aire, di satelienan den nan orbita rond di mundo.

Verjongde Kleren — Hernieuwde Kracht Zonder Operatie

Indien U sich oud gevoelt voor Uw tijd, of licht aan senuw, hersen- of lichaamslijke zwakte, sult 'Uw nieuw geluk en gezondheid kunnen verkrijgen door een Amerikaanse medische ontdekking, welke de jeugdige kracht en levenslust vuller herleert dan kler-operatie. Het is een eenvoudige behandeling thuis in tablet-vorm, ontdekt door een Amerikaanse dokter. Voortrekk onschadelijk en gemakkelijk in te nemen, doch het nieuwste en krachtigste versterkingsmiddel, dat aan de wetenschap bekend is. Het werkt onmiddellijk op 'Uw klieren, senuwen en vitale organen, vormt nieuw zuiver bloed, en werkt zoo snel, dat U binnen 24 tot 48 uur nieuwe levenskracht en beproefd en is door duizenden bij alle apothekers verkrijgbaar. Haal nog heden 'Uw Tablet bij 'Uw apotheker. Neemt er een proef mee. Merk de groote verbetering binnen 24 uur op. Neemt de volle flesch, die 8 dagen duurt, met de stellige garantie, dat U zich vol kracht, energie en levenslust en van 10 tot 20 jaar jonger sult gevoelen, of ge krijgt 'Uw geld terug tegen het leide partij. Een speciale dubbel-erfgoed flesch met 48 Vi-Tab's kost weinig en is een gewaardeerd geschenk. Vi-Tab's Herstelt Mannelijheid en Levenskracht

BO HOROSCOPO PERSONAL

ARIES 21 Maart — 20 April



Paga poco atencion na bo situacion financiero, trata pa paga bo debenan y cobra toke bo a fia otro.

TAURUS 21 April — 20 Mei



Tin bon aspectonan pa mehora bo relacionnan cu sernan stima y amiguan pero bo mester tuma bo tempu.

GEMINI 21 Mei — 20 Juni



Acento ta cai riba problemanan di otro y bo trabao, duna atencion na ambos y expresa bo mes claramente.

CANCER 21 Juni — 22 Juli



Mustra compasion cu faltanan di otro, si bo cambia bo opinion tocante un persona of un asunto esaki lo ta temporal.

LEO 23 Juli — 22 Augustus



Awe bo no mester spera dimas. Laga tur cos bai manera customber y tene bo mes na trabao di rutina.

VIRGO 23 Augustus — 22 September



Bo lo haci mihor pa pospone decisionnan un poco, pasobra tin hopi chens pa kiblocacion.

LIBRA 23 September — 22 Oktober



Traha un bon programa y trata pa spaar mas placa posibel, bo mester tin hopi pasenshi den e periodo aki.

SCORPIO 23 Oktober — 22 November



Por tin algun complicacion awe cu ta stroba bo di haci loke bo tabatin intencion di haci, trata pa dividi bo tempu.

SAGITARIUS 23 November — 21 December



Tene pasenshi y spera bo chens, bo no por forza nada, tene bo poco atras y evita animacion di bida social.

CAPRICORNUS 22 December — 19 Januari



Laga bo inteligencia domina a wor y no bo emocionnan ora bo huzga un situacion, no participa na actividadnan social.

ACUARIUS 20 Januari — 18 Februari



Awe ta mustra un dia di irritacion, acento ta cai riba bo debernan y responsabilidad.

PISCES 19 Februari — 20 Maart




Keda obhetivo y impersonal, esaki lo evita pa bo comete errornan ora di conversa of scribimentu di carta.

INGEMAR JOHANSSON A BOLBE TRIUNFA


ESTOCOLMO, 24 april. — E campeon Europeo den peso pesado, e Sueco Ingemar Johansson, a triunfa ahera nochi ne Estocolmo por medio di punto die Britanico Brian London. No tabatin ningun titulo den juego.

CHRYSLER AIRTEMP

AIR CONDITIONING AND HEATING FOR HOMES, BUSINESS, AND INDUSTRY



PACKAGED UNIT Powerful yet very compact Air Conditioner for offices, restaurants and shops.



ROOM UNIT For executive office conference room, or home use.

VISIT OUR SHOWROOM

FREE ADVISORY SERVICE: We can offer expert advice on choosing Air Conditioning equipment for your premises, plus service by Chrysler trained technicians.




FOR BETTER QUALITY FOR BETTER SERVICE FOR BETTER PRICES FOR BETTER TERMS

Aruba Trading Company

Oranjestad

San Nicolas.



Diasabra anochi a tuma lugar den Lago Sport Park na San Nicolaas e encuentronan di Body-Building y Weight Lifting, bao auspicio di Aruba Weight-Lifting Association. Ariba e potret nas ta mira e ganador den Junior class di body building, cu e trofeo cu el a caba di obtene, esta senyor Julian Diaz, cu tambe a resulta e ganador den himnamento di peso den e class di 132 lb.

BODY BUILDING Y WEIGHTLIFTING DEN LAGO SPORT PARK

ORANJESTAD, 24 april. — Diasabra anochi a tuma lugar den Lago Sport Park na San Nicolaas e encuentronan

	class	press	snatch	clean	& jerk	Total.
D. Wehser	123 lb.	155 lb.	160 lb.	200 lb.	515 lb.	
J. Diaz	132	175	160	205	540	
K. Rivers	148	230	205	275	710	
Theo Bureno	160	210	185	255	650	
J. Hunt	185	205	220	255	680	
E. Vorst	222	260	235	290	785	

Den e concurso di body-building e ganadornan tabata:

Junior Class - promer lugar, Julian Diaz. Junior Class - segundo lugar, Carlos Wild.

Senior Class - promer lugar, D. Hemstrat.

Senior Class - segundo lugar, L. Robert. Senyor D. Hemstrat a keda nombra, como Mister Aruba 1963.



Senjor Beaujon ta papia poco prome cu el a ser distingui pa gobernador Speekenbrink pa Ridder in de Orde van de Nederlandsche Leeuw.



Un portret di e solemnidad di entrega di Stadion na A.S.U. D.r.p.d, difunto sr, Jos Maduro, A.S.U. presidente Oscar Henriquez, sr. Beaujon y dr. Dolfi Oduber. (December 1955). Ta interesante pa mira sr. Beaujon huntu cu su sucesor aki, mescos cu e dos ultimo presidentenan di A.S.U. Sr. Oduber a entrega su puesto como presidente algun luna pasa ora cu el a drenta den politiek na fabor di sr. Tico Kuiperi.

AYERA TABATA ULTIMO DIA DI FREDERICO J. C. BEAUJON COMO GEZAGHEBBER DI ARUBA

ORANJESTAD, 24 april. —

Ayer a tabata ultimo dia cu senjor Frederic Johannes Casper Beaujon, pa su amigunan semper gewoon „Freddy“, a ocupa e puesto di Gezaghebber di Aruba. Dia 1 di November 1959 el a acepta e puesto aki, cu el a ocupa pa tres aña y mei, y asina a clausura un carrera perfecto cu a cuminsa riba laman y via di industria a sigui pa servicio di gobierno, na unda el a ocupa e puesto na mas baltu, na principio como ministro, despues como gezaghebber. Durante e tres aña y mei cu el a tabata e prome ciudadano di Aruba, Sr. F.J.C. Beaujon a mustra su mes un hende carinoso, semper jen di interes pa e bienestar di tur cu tabata bishita.

E Gezaghebber aki cu un sentimento fuerte di tata, cu ademas tabata na timon di e barcha „Aruba“ durante un tempu sumamente tensu y dificil, a gana e sympatia di henter su isla. Den esey tambe ta participa su esposa, sra. Irma Beaujon-Brouwer, cu semper a logra completamente pa ta un bon esposa di Gezaghebber. Despues cu su esposu a cai malu mas o menos un aña pasa, y como e mester a drumi na cama e no por a cumpli cu su debernan, sra. Beaujon por a ser mira hopi biaha alinda na ocasionnan importante, asina festiguando, cu e familia Beaujon alinda tabata hiba cordialmente huntu cu Aruba. Aruba ta gradel awor Sr. Beaujon y senjora Beaujon pa tur loke nan a haci pa Aruba!

Carrera

Senjor Frederick Johannes Casper Beaujon, cu a ser nombra pa decision real dia 31 di oktober 1959 No. 1, entrando dia 1 di november como Gezaghebber di e territorio insular di Aruba, a naci dia 24 di april 1907 na Aruba. Despues di e bishita Lagere School aki el a sali pa Corsow, caminda el a hanja su Mulo-diploma na Hendrikschool na anja 1923.

Senjor Beaujon tabatin interes pa navegacion. Despues di a bishita e prome school di navegacion na Corsow durante dos aña, el a bai navega como leerling-stuurman cerca KNSM.

Na 1926 el a drenta servicio di Pan American Transport, cual despues a bira Exso Shipping. El a keda cerca e compania aki te 1928, despues di cual el a traha seis luna cerca Eagle, pa luego sali pa Venezuela pa tuma un puesto cerca Fitz-Simmons Drilling Company. Pero e no por a keda hopi tempu for di su isla natal y na 1929 el a cuminsa traha na Lago Oil & Transport Co., cual lo dura 25 aña.

Despues di a traha prome na Machinist Department, el a ser traslada na 1938 pa Accounting, caminda el a keda te 1954, ora cu el a ricibi e peticion pa acepta e puesto di ministro. E ta den posesion di e diploma di Accountant di International Accounting Society, Chicago Ill., U.S.A.

Sr. Beaujon tabata activo riba tere-

no social tanto paden como pafor di Lago. E tabata presidente di Aruba Voetbal Bond pa un periodo di 8 aña. Como co-fundador di e Stichting Bouw-fonds Stadion, di cual alavez e tabata Presidente-administrador e tabatin un parti activo na e efectuacion di e centro deportivo aki.

Sr. Beaujon ta co-fundador di e Vereniging tot bestrijding van de Tuberculose na Aruba, di cual vereniging e tabata presidente te 1956. Di 1939 pa 1952 e tabata miembro activo di Rotary, den cual club tambe e tabatin puesto di presidente. Tambe e ta co-fundador di e conocido club deportivo Caribe.

Di 1940 e tabata manager di e Home Building Foundation y desde 1942 e tabata miembro di directiva di Lago Thrift Foundation, cual puesto el a entrega na 1954 na acceptacon di e asiento di ministro.

Desde 1954 e tabata forma parti di e gabinete Antillano, den cual organo e tabatin e portefeullen di Financien, Salubridad, Trafico y Transporte.

Senjor Beaujon dia 22 di februari 1940 a drenta enlace matrimonial cu sra. Irma Carmen Brouwer, di cual matrimonio tres jiu a naci cu actualmente ta studia na Merca.

N.B. Dia 7 di januari 1960 Gezaghebber F.J.C. Beaujon a ricibi e order di Ridder in de Orde van de Nederlandsche Leeuw di S.M. La Reina.

DI E CAMPEONATO LITTLE LEAGUE

(Di nos Deductor Deportivo)
Cu score di 9 pa 7 Super Cleaning a gana di Libby's den un di e dos weganan di Liga Sur cu a worde hunga diasabra atardi. E ganadornan a conecta 10 hit y comete 2 error, y e perdedornan a liga 6 hit y pifa cinco biaha. Pitcher ganador tabata A. James. Pa Libby's a perde R. Bislick.
Un fuerte reaccion den e ultimo inning a duna American Legion un triunfo di 10 pa 9 riba e novena di Rotary lagando e rotarianan den campo. Perdiendo pa seis carrera tur cos tabata indica cu e Americanonan lo a sufrir otro derrota, pero nan a logra cruza home seis biaha pa converti e derrota den un triunfo.

PRESIDENT BEN ZVI DI ISRAEL A MURI

TEL AVIV, 24 april. — Ayera nochi president Ben Zvi di Israel a muri na edad di 78 aña.

Den un anuncio oficial nan a bisa, qu e president a muri den su cas na Jerusalem banda di cinco pasa di seis'or di awe mainta.

Siman pasa nan a participa cu president Ben Zvi tabata grave. Pero nan no a anuncia na kiko e ta sufrir. Noticianan di prensa a bisa cu ta di cancer.

„Dia ocho di december di 1952 nan a eligi Ben Zvi como president di Israel como sucesor di Dr. Chiam Weizman.

Ben Zvi tabata e di dos president die estado hudio. Anja pasa nan a eligie pa di tres biaha. Ben Zvi un zionista socialista ta goza di confianza y afecto di tur partido y agrupacionnan na Israel.

Nan a conecta seis hit y pifa cuatro biaha. Rotary a liga 5 hit y comete dos error.

„Den Liga North e scorenan tabata halto. Nutricia a duna U.S. Keds un blanco di nada menos cu 14 pa 0. Apenas un hit U.S. Keds a logra contra di e pitcher ganador V. Tromp, kende su equipo a conecta ocho imparables. Hopi erratico ademas e hungadornan di U.S. Keds tabata ya cu nan a pifa total di 10 biaha. Nutricia a comete apenas un error.

Pitcher perdedor tabata E. Thiel. Tambe Aruba Caribbean Hotel a sufrir un derrota cu diferencia di 14 carrera. E biaha aki nan a worde supera door di O So Grape cu a conecta 12 hit y a comete dos error. Apenas un hit e hoteleronan a logra contra di pitcher ganador H.R. Tromp, y nan a conecta 6 hit. Pitcher perdedor tabata F. Moreta.

„Durante 1958 e president Israelita a haci un bishita na west Europa caminda el a bishita tambe Hulanda. A saludele la Reina Juliana. E familia Ben Zvi tabata conta dos yiu homber, Maran y Eli. Eli a muri den guerra di liberacion na defensa di su pais.

ERHARD TA SIGUI ADENAUER

BONN, 24 april. — E directiva di e fraccion di e partido cristian demócrat den Parlamento Alemán a expresa su mes awe na fabor di Ludwig Erhard como sucesor di canceller Adenauer. Majan e fraccion completo, cu ta consisti di 242 delegado lo vota tocante e recomendacion aki.

Nan ta calcula cu Erhard lo worde eligi cu un majoria aplastante. Manera ta conoci Dr. Adenauer lo tuma su retiro na november di e anja aki.

E decision di e directiva di e fraccion ta nifica un derrota pa canceller Adenauer, quende tabata prefera Dr. Gerhard Schroeder como su sucesor. Adenauer a haci esfuerzo pa suspender eleccion di su sucesor te despues di e vacante di verano, pero e no a logra den su intento.

CONFERENCIA DI IGLESIANAN AFRICANO

KAMPALA, 24 april. Na Kampala (Oganda) nan a cuminsa awe cu un conferencia di iglesianan Africanas, cu lo dura diez dia. Na e deliberacionnan ta participa delegadonan di iglesianan Anglicano, Protestant y Ortodox for di 42 pais.

E intencion di e conferencia ta pa establece un consoho permanente di iglesianan Africanas. Funcionarianan di e consoho mundial di iglesianan ta yuda na organizacion di e conferencia aki, y iglesia catolico a manda observadornan.

IRREGULARIDADNAN NA INDIA

CALCUTTA, 24 april. — A muri ayera na bringamentu entre polis y obrero nan cu tabata traha na construcion di un refinaderia, y cu awor ta huelga, 53 persona. E irregularidadnan a tuma luga na Baraoeni den estado Bihar di India. E miles di obreronan ta huelga foi 15 di april y ta exigi mas sueldo y mihor condicionnan di trabao. A organiza e huelga un sindicato cu ta bao di direccion comunista.

E irregularidadnan di ayera ta sigui un arestacion di un miembro comunista die Parlamento di Bihar y tres funccionario die sindicato comunista.



Un di e portretnan mas recien di Sr. Beaujon, tuma prome cu su enfermedad durante e paseo cu „Karel Doorman“.



Minister Beaujon ta balia cu Gladys Navas, reina di Lions di distrito E-1 (Mei 1960).




Durante e despedida di sr. Da Costa Gomez, e ex-hefe di Bevolking (Nov. 1960-).



Durante un lunch ofreci pa Huishoudschool na San Nicolas na B.C.



Sr. Beaujon ta felicita difunto sra. Longinia Tromp di Noord cu su 100 aniversario (Nov. 1959).



Sr. Beaujon tocando raspa durante un fiesta anima. (1957)



Sr. Beaujon negociando cu Cypriano Geerman, e bosero di un gran cantidad di desempleadonan cu tabata demostra. (Febr. 1960).



Senjor Beaujon aki ta huntu cu difunto minister Yrausquin riba e tereno di Seroe Colorado durante e prome boramentu di fosfaat (1960-).



Sr. Beaujon ta felicita srta. Linda Maduro e candidata di Estrella despues di su eleccion como reina di carnaval di Aruba na 1962.